

經部

詳校官國子監司業 納斯質

通政使司副使百英瞻蒙覆勘 總校官進士臣未

校對官中書臣禁

蒯

公

腾録監生 陳春熙



欠定四軍全書 THE WATER WATER THE STATE OF THE PARTY OF THE P 即然時日本 合訂刪補大易集美粹言 如復益剛交柔而為復柔交剛 頭等侍衛納喇性德編 松言卷二十 前陰含陽也有象之後陽分陰 父故母孕長男而為復父 於復而陰起於始也

金グロガンラ 夬而 肵 受 则 伊 次夫明亂生於治乎時哉時哉未有 而 人貴未然之防是謂易之大剛 川先生日復序卦物不可以終盡 為 陽 之以復物 以次剥也為卦 生陽 不始者防乎其防邦家其長子孫其昌是以 始自兹而无窮矣 捌 无 極於上而復生於下窮上而及下也復 剢 盡之理故 陽生於五陰之下陰極而陽 復次剥明治生於亂乎姤 剥 外並 極 觀 则 篇 復來不去 剥窮上反下故 物 驯 而不復未有 陰

次定四重公告 ~ 復長也故為反善之義易 復也陽君子之道陽消極而復反君子之道消極而 也歲十月陰盛既極冬至則一 故以復為十一月姤為五月故曰行夏之時虞氏 漢上朱氏曰周以子為正而孔子录象皆用建寅 卦皆可起康節謂中孚以其信也康節對富韓公 和靖尹氏曰康節説易起於中孚非特中孚也卦 以易數起於復此語甚當中手一際 語録 合訂明補大易焦義粹言 陽復生於地中故為

復事出入无疾朋來无咎反復其道七日來復利有攸 往 盛而生育萬物君子之道既復則漸以亨通澤於天 伊 川先生日復事既復則事也陽氣復生於下漸引 故復則有事盛之理也出入无疾出入謂生長復 東萊吕氏曰復小而辨於物當初一下豈曾不完 具只是上面大有階級湯 已有此論 説叢

亨盛故无咎也所謂咎在氣則為差忒在君子一有 生長无害之者也既无害之而其類漸進而來則將 寒所折觀草木於朝暮則可見矣出入无疾謂微陽 生於內入也長進於外出也先云出語順耳陽生非 不能止其復也但為阻礙耳而卦之才有无疾之義 字則為抑塞不得盡其理陽之當復雖使有疾之固 自外也來於內故謂之入物之始生其氣至微故多 屯難 陽之始生其氣至微故多摧折春陽之發為陰

欠主四車入野

1

合訂則猶大易集養幹言

陽之功也若君子之道既消而復豈能便勝於小 武以朋來而无咎也三陽子丑寅之氣生成萬物眾 生萬物必待諸陽之來然後能成生物之功而無差 陽長至於陰長歷八月也陽進則陰退君子道長則 道反復选至陽之消至七日而來復始陽之始消也 必待其朋類漸盛則能協力以勝之也 乃復道之善也一陽始生至微固未能勝羣陰而 七變而成復故云七日謂七更也臨云八月有凶謂 謂消長之 發

まクセイノニー

其化而裁之耳深其反也幾其復也故曰及復其道 横渠先生曰言及又言復終則有始循環无窮人指 又曰出入无疾説 小人之道消故利有攸往也進易 白雲郭氏曰乾剛坤桑相為消長陰剥陽盡至復 也陽道方復為泰之始故亨疾猶不疾而速之疾 以言之則復之義易明非復之義盡於七日而止 而剛反在卦之中其義為大幽微難言故因七日 合訂測補大易集義幹言

亥剥盡建子而一陽來復在天之日益自熟首 其道七日來復也自夏至陽始剥而於卦為始 者欲觀復道及復无若歲功之易明故繼以反復 後為復之无咎也此皆陰陽剛柔大義微而難言 用必得其類斯无咎矣是以朋來則有臨有泰而 陰陽消長有漸其出其入任道自運无遲速於其 及星紀凡更七舎在人之月亦七易矣人之月 與天之行健无以其也方剛長之初獨陽未能 即 建 ソ

物 也 言日永星火日短星即詩言一之日二之日皆是 形矣故六爻以剛柔言而復謂之剛反也易 曰陰陽自地與形言之則曰剛柔在易之卦麗於 往皆一也然陰陽剛柔皆一道自天與氣言之則 往无以致臨泰自天地言之不動而往无以生萬 月之周天也從天道與日而言故云七日猶堯典 自聖人言之不動而往无以治天下其利有攸 剛長之初利動而往之時益自易言之不動而

欠2日日人生了

B

合訂明補大易集義粹言

<u>h</u>

金グログノラ 傅自子夏京房陸續虞翻皆以陽涉六陰極而 六隆一 漢上朱氏圖說曰子夏曰極六位而反於坤之復 初為七日至王昭素乃暢其說曰乾有六陽坤 也虞翻曰消乾六爻為六日剛來反初益先儒舊 日六陽涉六陰及下七爻在初故稱七日日 其數七日其物陽也京房曰六爻反復之稱陸續 九月一陽在上衆陰剥物至十月則六陰數極十 陰自五月而生屬坤陰道始進陽道漸消 亦 反 有 陽

钦定四庫全書 半復得子時以一年言之自五月至十一月復得 復乾坤消息之理也故以一日言之自午時至夜 於子夏夫陽生於子陰生於午自午至子七而必 為復故云七日蘇子曰坤與初九為七其實皆源 日之象至於復為七日之象矣是以安定曰凡歷 既六過六而七則位屬陽以此知過坤六位即六 七爻以一爻為一日故謂之七日伊川曰七變而 一月一陽復生自剥至十一月隔坤之六陰陰數 合訂酬補大切集義粹言

IJ 然故六十卦當三百六十日而雨 日且卦有以爻為歲者有以爻為月者有以爻為 白爾合之為一紀分之為一歲一月一日莫不皆 子月以一月言之自午日凡七日復得子日以 自立冬十月節至大雪十一月節坤至復卦凡歷 人言七日來復為歷數之微明是也以消息言之 紀言之自午歲凡七歲復得子歲天道運行其數 者於復言七日來復者明卦氣也陸希聲謂 卦相去皆以七

次定四車全書 不可遠亦不能遠矣 陽氣始剥盡謂陽氣始於剥盡之後至於反復凡 日故曰七日來復家曰七日來復天行也王輔嗣 天行也王輔嗣云陽氣剥盡至來復時凡七日以 曰復不可遠也夫天道如是復道豈可遠乎豈唯 至復卦凡歷七日聖人觀天道之行反復不過七 天之行反復不過七日復之不可遠也乳類達曰 七爻以卦氣言之自冬至十一月中氣卦起中孚 合訂明補大易集養粹言 七日來復家曰七日來復

ヨグル 是四百二十分六十卦分之六七四十二卦别各 得七分每卦得六日七分也到卦陽氣之盡在於 卦之盡則復卦陽來是從剥盡至陽氣來復隔坤 九月之末十月當純坤用事坤卦有六日七分坤 三百六十日餘有五日四分日之一者每日分為 各主一方其餘六十卦卦有六爻别主一日凡主 八十分五日分為四百分日之一又分為二十分 七日常易稽覽圖云卦氣起中写故坎離震光 卷二十 果 卦 彌 也兩漢諸儒傅經皆用六日七分之說故乳 此 公宋成始著論較之胡旦明其不然今録其語 述而明之輔嗣論其大意而已至國朝王昭素 則不剥盡矣坤為十月卦十月純陰用事猶 知 云物不可以終盡剥窮上反下故受之以復以 縫 卦六日七分舉成數言之故輔嗣言凡七日 人其關云 不剥盡也沉剥上九有一陽取碩果之象碩 Ŧ, 昭素曰注疏並違夫子之義序 類達 有 痂 Ŧ

文章四車 全對

7

合訂剛補大易振義幹言

重クログとコ 蘇麥生於孟冬數已盡而氣存時已極而物反天 喪元良賊虐諫輔乃至億兆夷人離心離德當此 固无剥盡之理況陰陽者剛柔选用變化日新 生所資永无盡矣 之時豈无西伯之聖德箕子之賢良乎則知陽 之象龍亦陽也假使運有剥喪之時則商王受剥 陽氣在内故養麥先生直至坤 水則載男老則弱女壯 胡 旦難昭素曰夫積陽則萎 則雄故靡草死於始夏 卦之末尚有龍 生 戰 氣

復天之行也以時言之九月剥十月坤十一月復 盡則窮上反下皆正理也言窮者剥之盡也言反 方之卦也西北方亦十月也序卦曰物不可以終 為其嫌於无陽也上六則十月也說卦曰乾西 未之辯也臣曰陰剥陽盡而成坤陰極陽反而成 者復之初也何知西伯箕子非剥喪之人哉昭素 以理言之陽无剥盡之理故坤之上六龍戰干野 地之常理陰陽之本性陰之極有龍戰之災故剥 北

欠2日年七十二

合訂剛補大易係義粹言

金罗巴西台門 盡剥窮上反下故受之以復非持此也五月 長不可掩也 未盡夫說卦變卦之妙是以其論如此然各有所 地陰陽不可以一言盡故也王胡達序卦之義而 明以見生生無窮之意益書不盡言言不盡意天 陽生其卦為復積而成乾故乾下有伏坤及復相 生其卦為始積而成坤故坤下有伏乾十一月 注用凡字取七日之義即約酌而已然未見指歸 王昭素曰注云至來復時凡七日 卷二十八 陰

次定四車全書 矣今論七日者不離乾坤二卦天地陰陽之理乾 尚去冬至十五日則知七日之義難用易緯之數 六日七分以為坤卦之盡復卦陽來則十月之節 數今復卦是乾坤二卦陰陽及復之義疏若實用 七分坤卦之盡則復卦陽來疏文此說未甚確當 終則一陽便來也不得到冬至之日矣據其節終 其六日七分是六十四卦分配一歲之中時日之 矣疏引易雄六日七分以十月終陰用事有六日 V. 合訂明補大易集義粹言

金グログと言 於坤 十五日有餘馬故奠而為閏昭素言從十月終至 數積而為閏則加莫馬六日七分實數也三百六 卦之爻則實數也歲之日則虚數也歲月不盡之 有效驗東漢郎顗明六日七分之學最為精妙夫 陽生至已統屬於乾自建午而一陰生至亥統屬 抻 冬至尚有十五日未明歲月之積閏街數之精妙 者造化之本乾有六陽坤有六陰自建子而 胡旦難昭素曰西漢京房以卦氣言事皆

次定四車全書 素知九月剥十月坤十一月復而不知此言其大 六爻文主一日凡三百六十日餘五日四分日之 後生穿鑿罕得師資是以紛然而致論也臣曰昭 五卦而後成坤十月坤也有未濟有蹇有頭有中 而成如九月剥也有艮有既濟有噬嗑有大過凡 利岡 也惜乎緯文喪失京即己亡學者難知但憑臆説 一又分於六十卦每卦六日七分氣之進退推盪 耳坎離震充各主一方六十卦分主一歲卦有 TO S 合訂則補大易集我幹言

金グロるところ 復大家曰先王以至日閉關所謂至日者冬至也 則知坎離震充各主一方矣於充言正秋者秋分 有六爻爻主一日可知矣繫辭曰三百八十四爻 可知矣復彖曰七日來復則六十卦分主一歲卦 於復言冬至日則始為夏至而十二月消息之卦 也允言秋分則震春分坎冬至離夏至為四正矣 方之卦也離南方之卦也充正秋也於三卦言方 孚凡五卦而後成復說卦言坎北方之卦也震東!

欠三可追公子 則剥九月坤十月復十一月故京房曰剥復相去 節十二中氣所餘五日則積分成閏也大綱而言 當期之日盡六十卦當三百六十日四卦主十二 自中孚之後七日而復故曰七日來復譬如辰為 **歴代先儒唯玄得其古故玄一中二羨三從四更** 所者曰北辰而占天者必曰極星之下詳略異也 天樞而不動之處猶在極星之下聖人之言居其 三十日别而言之復主冬至冬至中氣起於中孚 9 合訂刪補大切集義料言 <u>±</u>

多好四届全書 至之後周復也宋東陸續曰易七日來復是也夫 之奈何 鄭康成宋東虞翻陸續范望並傅此學而昭素非 京房學於焦贛其說則源於易矣自楊子雲馬融 十一月也其入牛宿之五度為周周者象復卦冬 之節日起牛宿一度斗建子律中黄鍾夏后氏之 五晔六廓七減八沈九成中者象中孚之卦冬至 而易緯消息之術月有五卦卦有大小有諸侯有 王珠曰孔顏達雖據稽覽圖以釋王傅 卷二十八

大三日 シントラ 益本於天矣類達以易緯消息之術考之月有五 陽尊陰甲也臣難王洙曰輔嗣之意謂陽為陰剥 其氣始盡至於陽氣來復之時凡七日而已何故 消復不過七日天道之常也凡消息據陽而言之 月恐王傅之古不在此義也當以七為陽數陰陽 如是以天道之行反復不過七日復之不可遠也 始終月而既不連主七日則是剥盡至復全隔 大夫有卿有公有辟五卦分爻迭主一日周而復 • 合訂剛補大易係義與言 +==

多分四庫全書 甚也文王周公仲尼悉以陰陽剛桑進退消長得 失存亡之象為之教云爾又何以是卦直是月是 京房即顗關子明輩假易之名以行其五過上祝 陰陽術數之學聖人之肯則无有馬鳴呼好怪之 王傅之肯不在此哉宋咸曰卦氣起中孚如何曰 之常則輔嗣所謂復之不可遠也其言驗矣熟謂 卦五卦分文选主一日周而復始終月而既以成 歲其六十卦之相去不過七日 陰陽消復天道

次定四車全書 象其道一歸於仁義而未始不原於天地咸信進 時日得易之坎離者也遁甲九宫八門得易之河 爻直是日云云之為乎夫卦氣何不起於他卦而 聖人推陰陽剛柔進退消長之理為得失存亡之 道陰陽又曰立天之道陰與陽立地之道柔與剛 陰陽衍數之學易亦何往而非陰陽哉故曰易以 圖者也壬追得易之一端而不盡易之道散而為 獨起於中孚乎臣難咸曰六壬推日月行度祭以 18 合訂制補大易集義粹言

古四

ヨクロノイニ 歲言之陽始於冬至以歷言之日始於奉牛以 得以為聖人之古无有哉中孚十一月之卦也以 繋辭而河圖四十五洛書五十之數傳於異人安 不及者為聖人之旨元有馬且如河圖洛書見於 言之畫始於夜半以人言之慮始於心思咸謂何 道實出於易言易者亦何假士追哉咸謂易書所 退消長而不信消息之卦是終日數十而不知二 五也又謂諸儒假壬逾言易學以龍天下不知壬

欠定四事私生司 復陰生為姑臨至于八月有凶八月不知果何月 不起於他卦真不知者也且不信直卦則陽生為 陽復本位此周天十二次環轉反覆其數如此施 消息之卦豈得為知哉劉遵曰天行纏次有十二 視者察秋毫之末咸讀易疏惡易緯之學而并廢 陰行其六陽行其六當於陰六陽失位至於七則 也夫善味者別淄渑之水善聽者知要妙之音善 之於年月日時並同故一日之中七時而復一 1 合訂明補天易集義粹言 五 月

多グロカと言 寅 窮則未聞從支枵至星紀何者為陰何者為陽以 知也 陽之復如何也若天之十二次環轉及復周而 數也若一月之中七日一紀之中七年則未知陰 歲而復今云七日者取其中而言則時月年從可 之中七日而復一年之中七月而復一紀之中七 一年之中從建子至建午言其復也亦以陰陽之 (卯子丑言之則天之十二辰也其以子為陽及 树 旦難劉遵曰一日之中從夜半至日中 无

久巴里自由的 言之自午時至夜半而復得子時自一年言之自 陽生於子陰生於午自午至子七而必復以一日 遵論陰陽運行之數得天道之行七日必復之理 凡七日而復得子日以一紀言之自午歲凡七歲 五月至十一月而復得子月以一月言之自午日 近乎漫漶要之亦有所長未可斥之以為妄也夫 但不本於乾坤二卦消息之象以論之是以其言 為陰邪左轉之也與天戾矣劉遵之論妄也臣曰 合訂剛補大易集義粹言 大

金灰口及人 氣乃復故云七日來復復初體震震居少陽其數 陽消自五月至十一月其日之歷行天七舎而陽 日來復為歷數之微明是也 日來復於復卦者明卦氣也陸希聲謂聖人言七 六十日而兩卦相去皆以七日聖人所以存其七 之為一歲一月一日莫不皆然故六十卦當三百 而復得子歲天道運行其數如此合之為一紀分 復則君子道長因慶之也慶在乎始其言速故 王珠曰凡陰息則

アコララ ハチラ 十五度二十八舎日行一度為一日行一舎與月 言一之日二之日止是省文益言十一月之日小 日行七舎自是七月安有變月言日之理且如詩 氏變月言日者欲見陽長欲速大同而小異要之 合朔為一月珠取日行一舎故稱日益用褚氏莊 陰自五月而生屬坤陰道始進陽道漸消九月雖 稱日取乎日行一舍也臣難王法曰周天三百六 二月之日也 王昭素曰乾有六陽坤有六陰一 合訂剛補大易係養料言

金万四月在書 為 有 有 氣之盡在九月之末十月純坤用事 隂 數 則 日七分陽氣來復昭素以五月一陰生至九月 七日之象矣 位屬陽以此知 六陰盛時一陽自然息迹陰數既六過六而 極十一月一陽復生自剥至十一月 一陽无奈衆陰之 陽在上元奈眾陰之剥物也至十月則六陰 過坤六位即六日之象至於復 胡旦難昭素曰易雄以剥 捌 物至十月六除數 隔坤一 隅神 極十 卦 卦 之 バ 雖 陽

次至四重全書 四 者也臣曰昭素雖掠褚莊之美其論乾坤消息陰 是於六日七分卦氣之學既為信之矣而翻注七 陽六位周而復始得易之象虞翻陸續推六十卦 月 在初故稱七日日亦陽也豈惟虞陸之學如此論 日來復日消乾六文為六日剛來反初七日來復 天行也績注京房易傳曰六陽涉六陰反下七爻 以解太元八十一首於中言象中孚於周言象復 陽復生此則謂昆為兄竊褚莊之美為己力 合訂删補大易終長粹言 <u>大</u>

七日蘇氏日神與初九為七皆言七日之象也易 文為一日故謂之七日伊川日七變而為復故云 之復其數七日其物陽也安定曰凡歷七文以 則有是術其致一也故子夏曰極六位而反於坤 反復之稱益天地之間有是理則有是象有是象 劉牧王洙龍昌期以七為少陽之數則无取馬並 之為衍深遠矣故鼎祚於此請俟來哲若陸希聲 六十卦者京房也而房作復傳曰七日來復六文 次定四重全書 一 既往而復反故有身道又內震外坤有陽動於下 之體始成而來復故十有一月其卦為復以其陽 月之卦而陽氣已生於下矣積之踰月然後一陽 新安朱氏曰復陽復生於下也剥盡則為純坤十 復始求其全所由生也文 圆 日來 而以順上行之象故其占又為己之出入既得无 五峯胡氏曰易卦有復孔子曰復反也所以反本 説 復 合訂明補大易焦汽粹言 九

ヨグドムノニ 廣漢張氏曰天地之心其體則微於動之端斯以 故其占又為利有攸往也反復其道往而復來來 為反復其道至於七日當得來復又以剛德方長 疾 在於人純是惻隱動匪以斯則非天命曰義禮知 見之其端伊何維以生生羣物是資而以日亨 而復往之意七日者所占來復之期也本 至此七爻而一陽來復乃天運之自然故其占又 朋類之來亦得无咎又自五月始卦 一陰始生

**烫定四車全書** 復事出入无疾奸傅復 出入无疾朋來无咎説 惜保護不可我損方能德聚而不孤所以繼之以 然發生豈有障礙故曰復事然善端初生全在爱 猶人善端之生雖習氣豈能唇之猶笋迸於石自 東菜吕氏曰復卦一陽生雖五陰之盛不能抑遏 惕 位雖不同揆厥所基脈絡該通曷其保之日乾夕 斯須不存生道或息養而无害敬立義集是為 合訂明補大易樣義粹言 又荅朱元晦書近事煩 Ŧ

陽始生於復自復至逐凡八月自建子至建未也 建成則極而成剥又復傳曰始陽之始消也七變 亦有時乗有為之意答曰隨卦義看難立定說也 致意耳或問利有攸往向說當作純亦不已看恐 而成復故曰七日猶七更也今總以圖明之文 似有陽復之漸但出入无疾朋來无咎兩句大索 又易臨傳曰至于八月有凶八月謂陽生之八月 陰長而陽消矣又剥傳曰一陰長則一陽消至 巻二十八

一 我 日 復 亨 剛 反 動 而 以 順 行 是 以 出 入 无 疾 朋 來 无 咎 反復 其道七日來復天行也利有攸往剛長也復其見 天地之心乎 窮極之所必經變則通通則久故象言先王以至日 康節先生漁樵對問樵者問漁者曰復何以見天地 物 際中則當日月始周之際末則當星辰始終之際萬 之心乎曰先陽己盡後陽始生大則當天地始生之 死生寒暑代謝晝夜變遷非此无以見之當天地

次定四車全書

T.

合訂明補大易集義約言

Ē

ヨグロ 地之心者生萬物之本也煎物 閉 根月窟間來往三十六宫都是春擊壞 明男子身洪鈞賦與不為貧因探月窟方知物未躡 既來反則漸長盛而亨通矣動而以順行是以出入 伊 川先生曰復亨謂剛反而可也陽剛消 關商旅不行后不省方順天故也 疾朋來无咎以卦才言其所以然也下動而上 根豈識人乾遇異時觀月窟地逢雷處看天根天 人と言 とこト 又觀物吟耳目聰 外邵 書子 極而來反 曰天 順

**設定四車全書** 識之並易 見天地之心非也復之卦下面一畫便是動也安得 復於下乃天地生物之心也先儒皆以靜為見天地 选消选息一有七日來復者天之運行如是也消長 是動而以順行也陽剛及而順動是以得出入无疾 之心益不知動之端乃天地之心也非知道者孰能 相因天之理也陽剛君子之道長故利有攸往一陽 朋來而无咎也朋之來亦順動也 人就復其見天地之心皆以謂至靜能 合訂刪補大易集義粹言 其道反復往來 Ĭ

來復其間元不斷續陽已復生物極必返其理須如 氣復為方伸之氣生生之理自然不息如復言七日 於臭息之間見之屈伸往來只是理不必將既屈之 心一言以嚴之天地以生物為心除氏 此 見天地之心或曰莫是於動上求靜否曰固是然最 手鍋元承 有生便有死有始便有終入關 之靜自古儒者皆言靜見天地之心惟其言動而 ノベニ 近取諸身百理皆具屈伸往來之義只 1.00 拾遺 復其見天地之 復者反本

更无先後之次也此義最大臨卦至于八月有凶此 不可容線須臾不復則乾坤之道息也故適盡即生 得而名状自姤而剥至於上九其数六也剥之與復 横渠先生日復言天地之心咸恒大壯言天地之情 天地之心聖人无未常復故未當見其心語 此賢人之事也於追集 也本有而去之今來復乃見天地之心也乃天理也 心内也其原在內時則有形見情則見於事也故可 復卦非天地之心復則見

次定四車全書 四

合訂剛補大易集義幹言

Ī

ヨグ・ノニニ 德曰生也雷復於地中却是生物象曰終則有始天 者畫夜相繼元元斷續之時也大抵言天地之心者 至于八月有凶若復則不可須臾斷故言七日七日 言七日來復何也剛長之時豫戒以陰長之事故言 地雷見天地之心者天地之心惟是生物天地之大 天地之大德日生則以生物為本者乃天地之心也 行也天行何皆有息正以靜有何期程此動是靜中 一動靜中之動動而不窮又有甚首尾起滅自有天

盖靜者進德之基也影 已有苟心中造作安排而靜則安能久然必從此去 主宰常然如此有何休歇人之德性亦與此合乃是 地以來以迄於今蓋為靜而動天則无心无為无所 藍 循 故彼長則此消此盈則彼虚消長盈虚終則有 而陽日消至於坤則无陽而陰極矣陰極則 環無窮理之必然者也復陽始生之卦也天 田吕氏日復極而及其本也自始至剥陰日長 陽 也 始

欠三日日 白色

合訂糊補大易集義粹言

田子

金字中五 台票 復亨陽進必亨也陽消為入長為出出入皆理之 所必然非所病也方其未長羣陰朋來不足咎也 自 歽 本心故至陽始生則反行天地之本心故謂之復 之大德曰生方陽之消雖理之必然然 往以剛長也方陽之長生生无窮此天地之 始而始消剥盡六陽以為坤然後復故七日 以无疾无咎者以反復其道七日來復故也 之未長止可以无疾无谷至於來復然後利 卷二十八 非 天地之 也 有

Day Town Cott 生物復之時未有物也而物以陽復而生轉愛者 聖人之心也復禮未有愛也而博愛之實由復禮 廣平游氏曰復其見天地之心乎天地之心主於 動而坤順動而以順行也一陽復於下而五陰在 龜山楊氏曰陰極而陽復復斯亨矣復剛反也震 而出故序卦曰復則不妄无妄者天命也先王以 此茂對時首萬物則於博施濟泉也何有易 . 合訂明補大易焦義神言 孟

金グビ五とこう 自始至復也始陰始生也陰生則陽消矣故七日 氣之往來也及復其道然則有始天行也七日 而後復夫四時之變浸而為寒暑固非一日之積 後出入无疾出入无疾而後朋來无咎夫陰陽 則身之不能保尚何朋來之有故動而以順行 也天且不能暴為之而沉於人乎故剥以順止之 則陽微而陰猶盛矣小人衆而君子獨非 日之力所能勝也動而不以順行則疾之者至 謂 而

坤之理天地之運陰陽之會无不反其始而後行 復也易以乾坤言形以天地言氣以陰陽言故乾 道坤息消乾乾息消坤二氣往來是以及其本者 兼山郭氏曰復者去此而反其本之謂也凡易之 盡心知性其熟能見之易 復以順而行其道一也當是時陽微矣止而不行 動之端也知復之道則天地之心可以點識矣非 剛然不可長也故利有攸往夫復也者陽始生

欽定四庫全書 類也一陽生為復二陽生為臨方其未復也除上 之序无不及於此者所以黄鍾為萬事本此之謂 半七政之行復於牽牛之初以至律歷之紀四時 故乾之初九復於甲子歲功之出起於冬至之夜 其 而消陽柔下而阻剛方是時也朋來可乎是以待 者順也剛反動而以順行是以出入无疾也朋者 也復者陽生之初動之始也故曰事震者動也坤 陽復則朋來无咎也謂陰降而為朋則小 卷二十八二人易集義粹言

來蓋不得為明矣然獨陽不生獨陰不成二者相 反動而以順行而已而說者謂易以靜為復天地 謂復其見天地之心乎夫然後知大徳之生生剛 是以知七日來復也然則四時之運行日月之代 升而萬物死其反也其復也各終於六位而時成 為消息亦无時而已也故陽一升而萬物生陰一 以无心為心觀其自古以固存未有不由乎順行 明豈物或使之然哉此天行之自然者也故孔子

欽定四庫全書 然謂静之終動之始斯可矣且復言七日臨言八 震震已復於下雷已復於地中惡在其靜而已也 言陰亦內外使之知懼也然 月者陰陽之辭也故言陽以尚消息盈虛之自然 周旋之必信者也且卦之二體靜以法坤動以象 和靖尹氏對楊子安問復其見天地之心曰或謂 静為天地之心非也一作天地以生物為心非為 静也天地以生物為心終而復始之義剥卦若終 合訂 删補 大易 集義教言 |飲定四車全書 白雲郭氏曰先人曰先儒謂易以靜為復天地以 震已復於下雷已復於地中惡在其靜而已也然 陰柔故不能濟屯也語 次之鹿鳴也否卦上九陽剛或能傾否屯卦上六 旋之必信者也且卦之二體靜以法坤動以象震 也伊川曰此如詩之下泉匪風之作故次以豳又 无心為心觀其自古以固存未有不由乎順行周 則成坤 五除之上故剥極則復復則一陽居初 陽處 合訂明補大易集義幹言

自然无遲速之異也且剛柔反復其運不停自其 則上順天地之道下順萬物之理是以出入行於 係乎剛柔之反也有震之動有坤之順以是行焉 於靜不能自動是所以有待於剛然後動而亨也 天地萬物皆有待於剛者也剛故動柔故靜物久 謂靜之終動之始斯可矣雅曰復以剛 如此則復主動而非靜始主靜而非動動靜之義 者視之四時日月可見也故在易之中一陽為 卷二十八 反而亨則

心於天地因其有心於天地言之故曰天地之心 言无咎天行者自天道以言之七日之復是也由 見天地之心者天地固无心於萬物也而萬物 七日之復以觀則三才萬物之復莫不皆然復 入陰出則陽入陰陽出入反復如此熟為遲速故 復進而為臨為泰為大壯為夫為乾一陰為始進 无疾而有常也朋來之後然後道大亨而功成故 而為逐為否為觀為剥為坤皆其出也陽出則陰 合訂明補大易集義粹言 芜 其

次定四東各等

白グレ人と言 天地之心无它為生物而已是以繁辟言天地之 物之始是所以見天地之心也然復之時義大矣 大德曰生以有生故有德有德則有心矣復為生 然萬物資天地以有生故天地於是乎生萬物 也始遇之事有至小者存馬聖人欲人遺其小 而录不言大矣哉者益復非小道不待言而可 玩其大者故始言大矣哉也 刚柔也窮極而變者天地之心也自生萬物觀之 天地无心於陰 則 矢口

leve trains like 漢上朱氏曰復本坤而乾交之陰陽之反皆自內 然故出入无疾反復其道可觀天地之心如此沉 疾言剛反動而得位也坤為順剛反動而得位以 也出其動也其出其入奉陰莫能害之害之之 剥極成坤陽降而入坤極而動陽升而出入其及 出非由外來而出入云者以剥復明消息之理也 則七日來復以生為天地之心矣自它道觀之皆 延易 合訂明補天易集養幹言 謂

金月四年全書 復而得位无咎者以正也剛動則不累於物以順 **亨也天道之行極則來反往則必復其復之數自** 天疾朋來无咎此合坤震兩體初九之動以言復 其道大行故曰復亨剛反動而以順行是以出 行則不違其時正則和而不同斯朋來所以无咎 順道而上行斯復所以亨敏朋陽之類也一陽來 相齊達已先則挽之彼先則推之然後并心協 也夫復所以亨者豈一君子之力哉譬如舟車必 力

辰元會運世以窮天地消長无極之數而雍當謂 統九會二百四十二章之數即雅得之明日月星 數所不可達而必曰七日者明律歷之元也故日 子雲作太玄其得天地之心乎故曰及復其道七 於黃鐘子雲得之為八十一首以盡一元六甲三 月五星始於牵牛氣始於夜半歷始於冬至律始 陽涉六陰極而反初日也月也歲也天地五行之 午至子不過於七陽生於子陰生於午剥復七變 合印制消人易張義師言

多只四库全書 復而往為臨為春為大壯為夫為乾孰禦之哉君 復之成也易以天地明聖人之心以為元乎不可 也故曰利有攸往剛長也此自復推之至乾以言 反手也首御曰三年天下如一諸侯為臣非虚語 有用我者期月而已三年有成孟子曰以齊王猶 子之道剛進而長莫或樂之必至於盛夫子曰 日來復天行也此推剥復之變言復之數也陽自 也以為有乎不可也觀諸天地則見其心矣天地 卷二十八 大生日春日日 一 象也其象各有所且不可以一縣論在卦氣為冬 在於陽剛反動而已易无非象也象也大象也小 為來往極而來復復則萬物生生者天地之大德 然至无是其本矣此雷在地中之象也录之取象 日復其見天地之心乎此以初九剛動言復之始 也以其所見論其所不見天地之心其可知矣故 也始而亨亨則有成矣王弼謂天地以本為心寂 以萬物為心其消也乃所以為息其往也乃所以 合訂删補大易張義神言 Ī

金少世五人 陽消息天運然也剛長也以卦體而言既生則漸 長矣復其見天地之心乎積陰之下一陽復生天 新安朱氏曰剛反則亨動而以順以卦德而言陰 至故太玄準之以周陽 為靜極而動惡極而善本心幾息而復見之端也 地生物之心幾於滅息而至此乃復可見在人則 心无改移一陽初動處萬物未生時玄酒味方澹 程子論之詳矣而邵子之詩亦曰冬至子之华天

先生云天地所以運行不息者做箇甚事只是生 極分明子細尋索儘有係理 學者宜盡心焉本 天地之心動後方見聖人之 剛反當作一句否曰然此二字是解復亨下云動 七日只取七義猶八月有凶只取八義 問復卦 而以順行是解出入无疾以下大抵录解解得易 大音聲正希此言如不信更請問包犧至哉言也 心應事接物方見出入朋來只做人說覺不勞攘 問復見天地之心

アスプラーは上かり

合訂删補大易集義粹言

我好 四月八日 命之謂性命字有心底意思否曰然流行運用 地以生物為心斯可見矣又問既言心性則天 各具生理所謂碩果不食是已夫具生理者因 實是漸欲離其本之時也及其成則物之成實者 物而已生於春長於夏至秋萬物成遂如收敛結 不知動之端乃天地之心動處如何見得曰這 各繼其生而物之歸根復命猶自若也如說天 問程子言先儒皆以靜為見天地之心

大之日上 ハスト 復行不善處便是陰知處便屬陽上五陰下一陽 陰陽在人則為善惡有不善未當不知知之未當 心如何曰他說无是胡說若靜處說无不知下面 見得較親切 了又看都從這裏發去事物間亦可見只是這裏 處便見得陽氣發生其端已兆於此春了又冬冬 以主静言之否曰不必如此看這處在天地則為 畫作甚麼問動見天地之心固是不知在人可 問王輔嗣說寂然至无乃見天地 合訂則補大易焦義降言

金 为以及 白雪 之心也先儒皆以靜為天地之心惟程先生言動 其不忍散練即是善端之的肯從這裏做去三王 齊宣王與甲兵危士臣構怨於諸侯可謂極矣及 生萬物之心未嘗問息但未動耳因動而生物之 事業何患不到 是當此迷蔽 錮之時忽然一夕省覺便是陽動處 之端乃天地之心竊謂十月純坤不為无陽天地 心始可見曰十月陽氣收斂一時關閉得盡天地 をニナハ 問一陽復於下乃天地生萬物

也曰是 羞惡之端始覺因事發露出來非因動而漸有此 生物之心固未當息但无端倪可見惟一 此處起起處方見得天地之心也因問在人則喜 生意始發露出乃始可見端緒也言動之頭緒於 發則寂然而已不 可見也特因事處念動而惻隱 怒哀樂未發時而所謂中節之體已各完具但未 六日南軒先生谷吳晦叔書云反復其道正言消 楊道夫以疑目質之先生其別有九其 , 陽動則

シュー ニー シェー

合訂剛補大易集義粹言

賢者之事也於其復也亦可見其心焉道夫竊謂 長往來乃是道也程子所謂聖人未皆復故未當 教民於水火文王之視民如傷是皆以天地之心 謂復也固不可指此為天地心然於其復也可見 見其心蓋有往則有復以天地言之陽氣之生所 因時而彰故竟之不虐舜之好生禹之拯弱湯之 聖人之心天地之心也聖人雖无復然是心之用 天地心焉蓋所以復者是也在人有失則有復復 きニナハ

金灰四月全書

ライルオ … シュー 言有指動靜之機而言初不可以一偏而論如天 能 之言陰陽有指君子小人而言有指天理人欲而 生曰不知程子當時說如何欽夫却恁說大抵易 其心顯白而无暗暖之患耳而謂不可見何哉先 加有若動不可以无靜静不可以无動蓋造化不 下皆君子而无小人皆天理而无人欲其善无以 為心者也故聖賢之所推算學者之所師慕亦以 以獨成而或者見其相資而不可相无也遂以 合打刑消人易集養等言

多好匹在全書 為天下不可皆君子而无小人不能皆天理而无 則无此故其心不可見然亦有因其動而見其心 之未常復行此賢者之心因復而見者至若聖人 剛長之道自一陽始生而斯長以至於極則有 來无咎曰復卦一陽方生疑若未有朋也然陽有 者正如公所謂堯之不虐舜之好生皆是因其動 而見其心者只當時飲夫之語亦未分明 欲此得其一偏之論只如有不善未當不知知 問 月月

是人看不見故必到復而後始可見 復乃見天地之心先生曰三陽之時萬物蕃新 天地之心天地之心雖静未當不流行何為必於 草木摇落之時此心何以見曰天地此心常在只 往者復還凶者復吉危者復安天地自然之運也 長之道自然如此故曰天行處陰之極亂者復治 來之道而无咎也反復其道七日來復天行也消 問天地生物之心未當須史停然當氣候肅殺 全丁門前之の其方中言 問復其見

鈒定匹庫全書 如此月月 聲 狄 胁 見天地之心也蘇曰邵子所謂元酒味方澹大音 而 萬物未生冷冷靜靜而一陽既動生物之心間 見物之盛大天地之心却不可見惟是一陽 矣又問天心无改移謂何先生曰年年歲歲是 見雖在積陰之中自藏施不得此所以必於復 时 正希正謂此否先生曰正是此意不容別下注 日之静所以養成今日之動故一陽之復 日日是如此又問純 **地之月可謂至靜** 初

倒了 端初萌正欲静以養之方能盛大若如公說却是 氣甚微勞動它不得故當安靜以養微陽如人善 語與所以陰陽者道之意不同但以易傳觀之則 有此意但不是此卦人義大象所謂至日閉關者 是純陰養得出來在人則主静而後善端始復在 正是於已動之後要以安靜養之蓋一陽初復陽 天地之化則是然則有始貞則有元也先生日固 問復非天地心復則見天地心先生日此

欠色日月 白生了

合訂剛補大易集義粹言

君子以一陽生物論天地之心欲然不満於其意 **陽之復生而已猶言臨泰大壯夬也豈得逐指** 无疑矣大抵近世學者不肯以愛言仁故見先生 為心此句自无病昨與南軒論之近得報云亦已 即天地所以生物之心也至於復之得名則以此 於下則是因其復而見天地之心耳天地以生物 以名為天地之心乎但於其復而見此一陽之前 可見矣蓋天地以生物為心而此卦之下一勝爻 此

とかから かんり 蓋天地之氣所以有陽之復者以其有陰故也衆 為言耳天地之心動方見聖人之心應事接物 復於言外生說推之使高而不知天地之所以為 起減邪若静而復動則亦有之但不可以善惡而 之心則天理渾然初无間斷人孰得以窺其心之 人之心所以有善之復者以其有惡故也若聖人 體用本末不相管矣聖人无復故未當見其心者 心者實不外此外此為言則必溺於虚淪於靜而 合訂剛請大易你養料言 1

或問天地之心不可測識惟於一陽來復乃見其 處凡發生萬物都是從這裏起豈不是天地之心 生生不窮之意所以為仁也其謂若果如此說 无 處何故云天地之心先生曰此須就卦上看上坤 云動之端端是從此起雖動而物未生未到大動 下震坤靜震動十月純坤當貞之時萬物收敛寂 蹤跡到此一陽復生便是動然不直下動字却 問程子以動之端為天地之心動乃心之發

部分四母白書

資始然後得元之名也 之心乎易傳云動之端乃天地之心也未親其古 之意直到一陽之復見其生生不窮然後謂之仁 是一陽來復以前別有一截天地之心漠然无生 始便是有此乾元然後萬物資之以始非因萬物 說便是如此所以見關於程子也須知元亨利貞 便是天地心而元為之長故曰大哉乾元萬物資 也如此則體用乖離首尾衛決成何道理王弼之 問向來觀復其見天 地

欠包目 八日

合訂删補大易集義粹言

太極一動二氣運行互為其根蓋未當或息非 近思得之敢質於先生愚謂天地之心生生不已 之心固在於生物然於生處觀之則偏於動而 即 以動靜言也其曰動之端云者指流行之體示人 則 知動之所以然非指其端无以見生生之理在人 此心不遠於此察之庶可見矣此心雖 生物之原者也遺書云天只是以生為道天地 惻隱之心是也乍見孺子將入井必有休惕 非心之 恻

者不若於已發之際觀之觀於已發識其未發克 識得端倪則心體昭然可點識矣故伊川云善學 已不已一旦復之則造次顛沛皆見此心之妙 之心也在學者工夫則平日涵養語點作止須要 何自見之一陽微動生意油然此復所以見天地 見猶窮陰冱塞萬物歸根生生之理雖未嘗或息 无所不愛人惟泊於欲而不知復則是心泯然不 本體然始發見在是故推此心則廓乎天地之間

欠三日上日八十二

合訂剛補大易焦義於言

7

多好四月至書 識却是添却一事又云昨承問及復卦之說如 從善此是要約處若就須要識得端倪而心體 學者工夫則只如易傳所說知其不善則速改 見得各是一理而此意无所不通始盡其曲折 喻固善然陰陽生殺固有間斷而亦不容重行 肆其欲哉須要窮欲之心滅息然後天理乃得的 如人方弱物欲豈可便謂其間天理无有問 可以言仁矣先生曰此須通動靜陰陽善惡論之 巻二十八 斷 且 而 可 耳

然陰陽動靜是造化之機不能相无者若善惡則 心先生曰要認得見字親切蓋此時天地之間 心又識一心然後得為窮理也 何為是如何為非事物之來无所疑或耳非以此 有真妄之分人當克彼以復此然後可耳但所謂 然其升降生殺之大分不可无也此語最為完備 可識心體者終覺有病蓋窮理之學只是要識如 耳程夫子所謂天地問雖无截然為陰為陽之理 問復見天地之

次至四年入下了

合訂明補大易集義粹言

里

まちいると言 帝字相似否先生曰人字似天字心字似帝字也 是心外別有箇理理外別有箇心又問此心字 之心天地之理理是道理心是主宰底意思否先 天地之心在此若是三陽發生萬物之後則天地 生曰心固主宰底意然所謂主宰者即是理也不 心散在萬物則不能見得如此端的 可見天地之心只有一陽初生淨淨潔潔見得 復其見天地之心盖生理初未當息但到 卷二十八 問天 地

見在品物上但叢雜難看及到利貞時則萬物悉 盡處固天地之心也然那消盡底亦天地之心也 也一元之氣亨通發散品物流形天地之心盡發 言之則可以見天地之心親切如云利貞者性情 火自其初發以至漸漸發過消盡為灰其消之未 這箇只是就陰陽動靜闔闢消長處而言如一 時藏伏在此至復乃見其動之端否曰不是如此 但那箇不如那新生底鮮好故指那接頭再生者 堆

处是日祖 在生了

合訂明補大易集義粹言

발

貞者性情也正與復其見天地之心相似康節云 到多了難見若會看者能於此觀之則所見无非 見也但天地之心悉已布散叢雜无非此理呈露 然至静在此若一念之動此便是復否曰恁地 地之心的然著見在這裏所以易看也 天地之心矣惟是復時萬物皆未生只有一箇 已收斂那時只有箇天地之心單單著見故云利 陽初動處萬物未生時蓋萬物生時此心非 問今寂 天 不

金万里屋白書

沙定四車至十二 也二者各自不同須推教子細 也若寂然至靜之中有一念之動此動靜為陰陽 這復字亦差不同濂溪說復字就歸處說伊川就 動處說所以不同然濂溪就坤上說就回來處說 忽然有惻隱是非羞惡之心發見此善惡為陰陽 自不相須須各看得分曉終日營管與萬物並馳 不盡復有兩樣有善惡之復有動靜之復兩樣復 如云利貞者誠之復誠心復其不善之動而已矣 合訂明補大切焦義粹言 伊川與濂溪說

墨

皆是就歸來處說伊川却正就動處如元亨利 周易卦爻之義推之則伊川之說為正然濂溪伊 廉溪就利貞上說復字伊川就 元字頭說復字以 同 川之說道理只一 處萬物未生時以人心觀之便是善惡之端感物 文正是動如何說靜雷在地中復云云 以復卦言之下面一畫便是動處伊川云下面 說得較好王弼之說與濂溪同 般非有所異只是所指地頭 問 陽初動 看來伊 不

先生不同周程只是五行一陰陽也陰陽一太極 便 常要如此就陰陽之間動靜之間便與周濂溪程 也太極本无極也只是體用動靜五換无極康節 华則是未成子方離於亥而為子方四五分是他 故止云冬至子之半是康節常要就中間說子之 子入井之初方休惕惻隱而未成休惕惻隱之時 而動處曰此是欲動未動之間如怵惕惻隱於赤 只要說循環便須指消息動靜之間便有方了

三欠之四重入動

合訂剛補大易集義幹言

里

まクロカイニー 力中 盡於上則復生於下其間不容息也 也自始至坤亦然曰然則陽畢竟有盡時矣曰剥 方足得一爻成耳故十月謂之陽月蓋嫌於无陽 後其下面一畫便有三十分之一分陽生至冬至 不似二先生 如何曰雖是十月為坤十一月為復然自小 卦陽已盡乎答曰陰陽皆不盡至此則 路過因而復發耳 問或問中坤卦純陰不為无陽之 用之問蘇季明問伊川 問 微 十月 微 雪

量天地有心无心近思之竊謂天地无心仁便是 天地之心若使其有心必有思慮有營為天地曷 底物事陰是靜底物事 復卦復是五陰下一陽良是二陰上一陽陽是動 便是一箇大縱轉底艮卦艮卦便是兩箇飜轉底 **箇主宰執持後又就良卦又是該動中要静復卦** 是說靜中有動靜不是如瞌睡底靜中間常自有 怒哀樂未發之前求中一段云云下面說復卦便 道夫言向者先生教思

次定四年入十

Ą

合訂剛補大易樣義粹言

累

情 當有思慮來然其所以四時行百物生者蓋以其 自定心便是他箇主宰處所以謂天地以生物為 合當如此便如此不待思維此所以為天之道曰 心中間欽夫以為某不合如此說其謂天地别无 程子曰以主宰謂之帝以性情謂之乾他追名義 果無心則須牛生出馬桃樹上發李花又却自定 如此則易所謂復其見天地之心正大而天地之 可見又如何如公所說祇說得他无心處耳若

金グロ及る言

而无私否曰天地以此心普及於物人得之遂為 而无情說得最好 停閒只是生出許多萬物而已 勾當只是以生物為心一元之氣運轉流通略無 以其心普萬物而无心聖人之常以其情順萬事 心處且如四時行百物生天地何所容心至於聖 无心而成化聖人有心而无為曰這是說天地无 則順理而已復何為哉所以明道云天地之常 合訂剛補大易張義粹言 問普萬物莫是以此心周編 問程子謂天地 里

欠至四車 全書

武クロ五と言 處耳且如一草一木向陽處便生向陰處便憔悴 得他有心處又要見得他无心處只恁定說不得 禽獸草木之心只是一箇天地之心耳今須要知 轉流通不停一息四時畫夜恰是有箇物事踏恁 天下之物至微至細者亦皆有心只是有无知覺 地去天地自有箇无心之心復卦一陽生於下這 他有箇好惡在裏至大而天地生出許多萬物運 人之心物得之遂為物之心草木禽獸接著遂為

アニアニ ノナー 相似心是他本领情是他箇意思 便是生物之心又如所謂惟皇上帝降東于下民 冬至十一月中小寒十二月初大寒十二月中冬 蓋立冬是十月初小雪是十月中大雪十一月初 先生曰康節此詩最好某於復卦本義亦載此詩 酒味方澹大音聲正希此言如不信更請問包樣 天道福善禍溫這便是分明有箇人在這裏主宰 子之半天心无改移一陽初動處萬物未生時元 N 合訂明補大易集義粹言 道夫問冬至

我好四年全書 齊記昔者聖人作易以擬陰陽之變於陽之消於 見所謂元酒味方落大音聲正希也録語 蓋夜半以前一半已屬子時今推五行者多不知 至子之半即十一月之半也人言夜半子時冬至 上而息於下也為卦曰復復者反也既往而來反 當是時一陽初動萬物未生未有聲臭氣味之可 夫大德敦化而川流不窮豈假夫既消之氣以為 之然數每從這處起略不差移此所以為天心然 巻二十八 又復

7 ... / LA. 善而屬之也亦曰不肆焉以虧於外則本心全體 廣漢張氏題李直御復齊詩曰李候索我復齊詩 之本者其不以此數其 於復之卦所以替其可見天地之心而又以為德 即此而存固然之善自有所不能已耳嗚呼聖人 謂復者非曰追夫已放之心而還之録夫已棄之 其往來之象爾唯人亦然大和保合善端無窮所 方息之資也哉亦見其絕於彼而生於此而因著 合訂則補大易集荒粹言 りたん

到好四角全書 是乾體其動以天且動乎至靜之中為動而能靜 東來召氏曰剥之後繼之以復蓋陽无剥盡之理 剥窮上反下總到窮則必復此自然之理積惡之 之所以為天地心乎 不遠君看取妙用何智問古今復卦下面一畫乃 天機又萬化根原天地心幾人於此費追尋端倪 此理難明信者稀要識聖人端的意須於動處見 則必思復善積邪之極則必思復正積陰之極 をニナハ 南 軒

且以卦體之爻觀之初九一陽潛伏於五陰之下 惡之人此善端亦未當不復總復便有亨通之理 之理自小言之則人之一心善端發見雖窮凶極 落其中須進一兩顆不能盡食便自有發生意天 食譬之植果質既蕃必須採而食之餘果雖皆剥 地生生之理元不智消滅得盡此剥之後所以必 則必思復陽且以剥之上九一爻觀之曰碩果不 有復也夫復自大言之則天道陰陽消長有必復

次 至 車 全 等

合訂剛補大易作義粹言

五十

金灰巴西 白雪 等初露易被推殘惟能於將生之際遮覆蓋護則 **陵樂惟是於出入將發之時養而无害然後自然** 枝枝葉葉漸漸條達人之善端初發亦多為聚思 前藥始生之時要人營護保養且如草木前動根 **象是總復便有事通之理天地發生之物最是於** 心一復則雖有干過萬惡亦便覺有消散披靡氣 消散披靡氣象人有千過萬惡叢萃一身人之善 雖五陰積累在上而一陽既動便覺五陰已自有 なニナハ

欠正日臣 企動 乾皆及復自然之天道人於善心發處便充長之 自可欲之善積而至於聖而不可知之之神亦是 陽之臨三陽之泰四陽之大壯五陽之夫六陽之 消息盈虚自然之理如自一陽之復積而至於二 序節目整然不亂反復其道七日來復此是天道 朋也几日用問遇事有互相發明吾之善者皆朋 朋來明謂助也如所謂德不孤必有鄰凡善類皆 也萬善會聚於吾身自然无咎自復享下數句次 合訂明補大易非意抑言

來入於復之初九故謂之入出者謂初九一爻漸 性中所固有故出入无疾入者謂剥之上九一爻 或聴言而於心有悔或因觀書而於心有動或於 欲障蔽不能利有攸往人善心悔處日用間甚多 長去亦何所不到只為人幾到善心發處又為人 便自此浸浸而往人於善心發處便自此逸進充 出而為九二九三九四九五上九故謂之出利有 攸往此一句最是做工夫處天道到一陽始復時

我好四届 白雪

Ħ 而以順行是以出入无疾朋來无咎反復其道七 剛反二字見得天道復處人惟其不能剛反雖 要看天道至於復時何故都无障蔽為天能剛反 復耳录者聖人言一卦大體之意也剛反二字最 姦大惡之人亦然惟其不能利有攸社故至於頻 而又以逆行故不能利有攸往惟天道能剛反 應接事物而有警悟於心日用間復處甚多難大 來復天行也天行是解上兩句所以如此者是 動

シュトニノル

合訂明補大易集義於言

至

善心發處乃不似天之順動而善心又多泯淡蓋 為天以无心運用人以私意障蔽人雖以私意障 心固有之理天道到復時便運行无朋人何故於 之有復乃天行自然之道理人之善心發處亦 天道自然之運用也學者最要就天行上看天道 依往剛長也惟剛長便能利有 依往 見天地之心乎此一句最不可以言語解而可 版然東奏終不可泯没便是天行无間之理利有 又曰復其

多定匹庫全書

ラス・ア・ハー ショー 方 **聚曰雷在地中復先王以至日閉關商旅不行后不省** 安静以養之故閉關使商旅不得行人君不省視 發也雷在地中陽始復之時也陽始生於下而甚微 伊川先生曰雷者陰陽相薄而成聲當陽之微未能 反觀之便見得天地之心並 身反觀天地以生物為心人能於善心發處以身 順 作 而後能長先生順天道當至日陽之始生 1 合訂剛補夫易集義特言 か 五上 四

奶 横渠先生曰物因雷動雷動不妄則物亦不妄故曰 剧 方觀復之象而順天道也在一人之身亦然當安靜 日 以養其陽也傷 凡言后者大率謂繼體守成之主也復言先王以至 之主明矣先王以至日閉關者先王所重於至日 與无妄靜之動也无休息之期故地雷為卦 閍 拾陳 遗氏 關商旅不行后不省方以此校之則后為繼承 聖人無一事不順天時故至日 蒙正 閉

銀定四庫全書

卷二十八

言富庶優暇不甚省事又明是繼承之主易 先王无放過事順時以示法亦以示民后不省方如 其順陰陽往來閉園者取其静也閉關則商旅不行 龜山楊氏曰雷在地中閉而未發先王不先時而 白雲郭氏曰坤為靜之終復為動之始雷在地中 動所以事天也認 越田 日氏曰雷在地中微陽始生靜以養之待盈 而發也閉開涂止行者皆以養微陽也

次是日東公本日 >

合訂删補大易集義粹言

孟

我是世后 台門 先之是爭天地之動以損天地之氣也聖人欲奉 其氣以助之蓋三才一氣耳方天地欲動而人爭 之以先奪陽氣則陽愈微而不進是以閉關而固 舒得陰則慘故人喜陽之復而畏剛之剥也先王 至 天時莫不先天地而後人從之是所以閉塞人事 以助天地之發也後世為月令者於仲冬之月塗 動已萌矣而未奮也然天地萬物之理得陽 E 閉 關助陽道也喜陽之復懼其微弱而人泄 则

欠三日日 在上 漢上朱氏曰天下之至動莫如雷雷在地中動復 故至日閉風以奪人動發之氣是所以助天地生 義誤以至日閉關為天地閉藏之時也夫至日日 於静復本之時也復冬至之卦剥艮為門闕反 生之義也何閉藏之有哉易 謂陽氣方動而微懼人道分奪其氣先動以泄之 至也天地至復則動而將發生先王至日閉關 關廷門問築图圈以助天地之閉藏蓋假此以為 合訂剛補大易集美粹言 畫 則

我为四月 有量 方不行不省方則動者靜夏小正十一月萬物不 上為觀民設教復震見異伏故商旅不行后不省 身以待陰陽之所定本 通夫子替易無用夏小正場 開關閉關以止動者也異為近利市三倍風行地 新安朱氏曰安静以養微陽也月令是月齊戒揜 後能長故復之象曰先王以至日閉關人於迷途 之復其善端之前亦甚微故須莊敬持養然後能 問陽始生甚微安静而

在學者分上便是要安靜涵養這些子善端耳先 在地中復先王以至日閉園商旅不行后不省方 先生曰非也養於既復之後時舉因論學云雷在 與事物深了豈不壞事 月純坤之卦陽已養於至靜之中至是方成體耳 關程傳謂陽之始生至微當安靜以養之恐是十 仕者前面許多年亦且養其善端若一下便出來 大不然復亡之矣曰然又曰古人所以四十強而 問復卦先王以至日閉

次記四事全書

合訂剛補大易集義粹言

柔

まちょんとこ 至夏至就 閉關息商旅防氣也絕彼柔道牽題此二句兼冬閉關息商旅所以養绝彼柔道牽題縣縣掩身事齊戒月令夏至冬至君及此防未然 泉文明味謹獨昏迷有開先幾微諒難忽善端本 生曰若著實做工夫要知這說話也不用說若會做 朱光編炎宇微陽眇重淵寒威閉九野陽徳昭窮 工夫便一字也來這裏使不著此說其不欲說與 劉舜山琴曰匪金匪石含至貞兮雷蟄于腹関其 却恐學者聽去便做空虚認了強語 をニナハ 又詩曰

音之可聞人自不知其所謂復蓋積陰冱寒之後 黄鍾之宫但雷伏在地下雖无朕此之可見无聲 東萊品氏曰復自十一月觀之嚴霜暴雪正萬物 如人雖為窮凶極惡之事積於一身自外觀之若 而陽氣發生之理具在地中不輕發用者甚有力 推挫時无有生意安得有雷不知雷聲已自潛於 主靜觀復修厥身分與時偕極而不及其申分失 神分蛭然一作萬物皆春兮我觀器寶懷若人分

欠足日前 白色

合訂制補大易集養粹言

季

金グロカイニア 為保養此善端先王知天地之心如此故以體法 於中誰得知之先王以至日閉関前人之說多以 終无悔過之心然固有之良心亦自具在或有動 之則擾亂天地之性術數家以為厭禳之法固為 之時靜以處之則盡裁成輔相之道茍不靜以處 天地為本陰陽為端隨天時之動靜而應之當復 此就固不碍理究竟未是此皆聖人實事聖人以 陋若只作故事看亦非須知先王以天人為 をニナハ

初九不遠復无祗悔元吉象曰不遠之復以脩身也 王篇云適也義亦同无祇悔不至於悔也坎卦曰祇 不逐而復則不至於悔大善而吉也祇宜音低抵也 伊川先生日復者陽反來復也陽君子之道故復為 不遠而復也失而後有復不失則何復之有唯失之 反善之義初剛陽來復處卦之初復之最先者也是 體人有善心不能充長蓋人以天人為兩體故也

次定四車全書 图

合訂剛補大易集義幹言

季

自りしたと言 庶幾乃无祗悔也過既未形而改何悔之有既未能 既平无咎謂至既平也顏子无形顯之過夫子謂其 不遠復也 有不善未嘗不知既知未當不遽改故不至於悔乃 不為而中所欲不踰矩是有過也然其明而剛故 停鉅 渠先生日祇猶承也受也一云祇悔作神祇之祇 問字之道无他也唯其知不善則速改以從善而 易 抵與底通使底至也无至於悔朱公 不遠而復者君子所以脩其身之道也 摐

形也就易 祇之為義示也効也見也言悔可使亡不可使成而 悔吝生乎動者也未形而復其復不遠矣故不至 龜山楊氏曰初九陽始生而未形動之微也吉凶 於悔而元吉顏淵之殆庶幾其以是歟 白雲郭氏曰卦辭言出入无疾朋來无咎統復道 藍田吕氏曰初九處復之初而以一陽居衆陽之 始自坤而來陽消未遠故曰不遠復 合訂則補天易集養粹言 就易 尧

次定四車全書

W.

大小之間哉昭昭之多與天同一撮土之多與地 通之以極廣大而已如乾象為天為馬豈能拘於 言者多矣就其所言之中已具數義學者當觸類 同 其義象皆不可窮盡聖人卦爻录象之外不能悉 之一也父象言君子脩身盖亦復也凡易之一卦 而言之也至于七日來復則指天行而言是復道 間於小大故也復之初九顏子盡之能不貳過故 一卷之石與山嶽同一勺之水與河海同道无

自外來內不速也反動而剛復也失而後有復不 漢上朱氏曰外為速內為近剥初當失矣變復九 故象言脩身也以 无祇悔故終知其元吉也此顏子克已復禮之道 悔之極則有大吉以其不遠復故知无祇悔以其 悔小而无大悔也凡充有悔之極則有大凶充无 不知則盖當有過也有過則有悔唯不貳過故其 不遠而復於道苟貳過則遠矣雖然有不善未當 合訂删補大易集義粹言

次定四重社事

金グロガと言 失則無復矣初者九之位正其固有也初正者善 融音之是反初動不正不正則抵乎悔知不正為 故曰不遠復以脩身也坤為身易傳白祇抵也馬 之復亦遠矣无祇悔則元吉元吉者吉之至善故 地言之始於剛反動而正乃能遂萬物而成其德 之端脩身之始未有不正其心而能修身者以天 曰无祇悔元吉夫幾者動之微吉之先見也頗子 不善之端而復於正則无祇悔俟其悔之而後復

RIEDING CITIES 復是已當竊為之說曰學易者必有門户復卦易 **賛之曰顔氏之子其殆庶幾乎傷** 之門戶也入室必自戶始學易者必自復始得是 其象或尚其占皆用也盡其本則用自應何謂本 屏山劉氏曰易故多術或尚其辭或尚其變或尚 氏之子其殆庶幾乎有不善未嘗不知知之未當 者其惟顏子乎不遠而復稱為庶幾易繁辭曰顏 不善未當不知知之未嘗復行无祇悔也故夫子 合訂州補大易集義幹言

體意隔情礙如何天下歸仁惟踐優實地自然洞徹 復行庶幾近也謂近於易不遠復之義蓋本夫子常 地在吾仁中亦一物耳學者曉此方得想像說得仁 此迷而不復妄自分隔且吾身在天地中一物耳天 為一顏子終日如愚論語所載惟發二問一為仁 以復禮為仁之說告之矣顏子躬行允蹈遂臻其極 已既克天下歸仁復之功至矣固有之仁本無彼 為那夫子答之皆極天理人事之大者是理謂

Dant in little 易者知之矣余嘗作復齋銘曰大易之旨微妙 乘禮 商全 **格**一 也雖然學易當自復始而復非易也愚夫昧易才 白坦易之塗聖人善誘之上機學者用心之急務 惟窮理盡性外馬惟開物成務顏子盡之雖無諸 子之者誤謂之通易可也 化也 玩而不忘易之病也忘似昧聖似愚通心與之玩而不忘易之病也忘似昧聖 口易賢人玩易聖人忘易能行也玩依做也 服周冕樂韶舞四事也性之天也人事謂行夏時 周冕樂韶舞四 合訂剛補大易集義幹言 又日復之一義為平 原易之用内焉 至

金云四届全書 聲言而知復匪易匪輕動而知復悔各不生惟是 足 既復其初无復之者荡蕩坦坦周流六虚昔非不 思内馳亦勿謂无悠悠弗思廓爾貫通心冥取舍 又触 有是性喜怒哀樂或失其正視而知復不蝕其明 四 食音日月 今非有餘伊顏氏子口不言易庶幾之功點臻 知本焉則一孰覺而存熟迷而失勿謂有本勞 釋考究也善學易者以復為先惟人之生咸且無切謂審善學易者以復為先惟人之生咸 明人能知 復則其明不損等触初雖晦未幾 卷二十八 聴而知復不流 於

Caldina latin 字何訓曰書中祇字只有這祇字使得來別看來 也多祇也祇與只同 只得解做至字又有訓多為祇者如多見其不量 之道也故其象占如此本 居事初失之未遠能復於善不抵於悔大善而吉 新安朱氏曰一陽復生於下復之主也祇抵也又 集文 其極今我仰止以名斯齊念兹在兹其敢怠哉婦 合訂刪補大易集義幹言 問不遠復无祇悔祗 奎

多云四母全書 吉甲申孟秋朔先公次餘千暑甚想趙氏養正堂 廣漢張氏曰子曰顏氏之子其殆庶幾乎有不善 之上自以當在江淮辱先公詢言欲求字畫而歸 每閒暇親翰墨多寫經書要言置練囊中累十百 未當不知知之未當復行易曰不遠復无私悔元 **發讀越二年前進士太原陳伯雄來相 书於湘水** 為子孫藏子慟開篋取此紙授之嗚呼學聖人必 紙先公易賃於仲秋不肖孤良苦謹藏遺澤不忍 卷二十八

欠日日日 在時 六二休復吉象曰休復之吉以下仁也 陽能下仁也復之休美者也復者復於禮也復禮則 伊川先生曰二雖陰文處中正而切比於初志從於 終之乎嗚呼此先公之所以教其者今併以告陳 然而欲進於此奈何其惟格物以至之而克已以 其復也復則見天地之心成位乎中而人道立矣 學顏子則有準的顏氏之所以為有準的何也以 ,南軒 集 合訂剛補大易集義料言 盆

金与四月百月 為仁初陽復復於仁也二比而下之所以美而吉也 横渠先生日下比於陽故樂行其善認 公善之本也初復於仁二能親而下之是以吉也華易 龜山楊氏曰過而後有復顔淵不貳過猶有過也 藍田吕氏曰六二居中而下比於陽所以為休 而未形焉其復不遠矣非克已者其孰能之茲其 為復之休美而言者以其能下仁也仁者天下之 所以為仁數盡斯道者惟初乎六二柔順中正天

大之日日 在生 禮仁也故六二之下初九所以為下仁也然古之 所以為休其義一也不遠之復克已者也克已復 充好善之實孟子之所以為美盡下仁之道復之 過而復休而復者也其復也從初而已故曰以下 人修身者豈徒然哉所以為齊家治國平天下之 可欲之謂善有諸已之謂信充實之謂美休美也 白雲郭氏曰孟子稱樂正子好善優於天下又曰 仁也中正而親仁吉熟加焉湯 合訂删補大易樣義幹言

茳

金岁四月百十 得乃下之見初九不遠復其心休焉中者天下之 也六二正中在上无應以分其親仁之意近而 漢上朱氏曰休息也初九剛復克已復禮為仁者 言修身以道修道以仁而復以初九修身六二為 大本人受天地之中以生中則正正則大大者仁 始也聖人之治天下仁之而已孟子所謂推恩保 下仁不亦宜乎湯 四海是也夫欲仁天下者必先仁其身是以中庸 相

Detained Action 休美古之道也本 仁也首鄉日學莫便於近其人六二之謂乎傷 之者也六二不動即至於正中動則失正因是休 曰初爻為仁人之體六二爻能下之謂附下於仁 新安朱氏曰柔順中正近於初九而能下之復之 矣休則吉所謂吉祥止止也故曰休復之吉以下 之體仁豈外求哉在我而已矣初九知幾知至至 者學莫便於近其人既得仁者而親之資其善以 合訂剛補大易集義於言 問六二休復之吉以下仁也

六三頻復厲无咎象曰頻復之厲義无咎也 多分四月全書 固者也復貴安固頻復頻失不安於復也復善而屢 失危之道也聖人開遷善之道與其復而危其屢失 伊川先生曰三以陰躁處動之極復之頻數而不能 語只是一理說 東萊吕氏曰六二下謂初也聖人指復處為仁此 自益則力不勞而學美矣故曰休復吉 錄 正語苔顏子之問克已復禮為仁相似蓋聖人之

ファイ シャー 故云厲无咎不可以頻失而戒其復也頻失則為危 横渠先生曰所處非位非頻感自危不能无咎一 厲然復善之義則无咎也華 屢復何咎過在失而不在復也 於衆陰故厲有志於復必與衆陰異趣然不失吾 出然去陽未遠猶不得已而求復不得已故頻陷 藍田吕氏曰六三雖陷於衆陰之中幾不能以自 **裹故雖危无咎** 合訂剛補天易集義粹言 易 頻復頻失雖為危 ヹ 易作

我好四庫全書 厲夫操存舍亡蓋俛仰之間耳其危豈不甚乎然 雖不善未當不知知之未能不復行者也故頻復 龜山楊氏曰柔不當位而居動之極其守不固矣 而順是亦善補過者也故雖属而无咎見 頻嘗武考之禮曰或安而行之或利而行之或勉 **兼山郭氏曰六三畝者皆以頻為頻感之頻失位** 過中不得已而復也獨王昭素先生以為頻數之 强而行之及其成功一也然不得已而復與勉强 巻二十八

然而義无咎者知復故也是以子夏之徒出見紛 守也故唯君子能久於其道其餘則日月至焉而 失亦有知其數復得失之間不能以寸是以危也 已況一出馬一入馬塗巷之人也故道有至於數 频非不得已之類亦明矣孔子曰中庸其至矣乎 之有與孔子所謂義无咎者為不侔矣由是而知 民鮮能久矣人皆曰予知擇乎中庸而不能期月 而行之无以異也不得已而復尚且知復焉何厲 合訂删補大易集義粹言

钦定四庫全書

間矣易 前而止先儒作順感訓之其義亦通三者震動之 擇乎中庸得一善則拳拳服膺而弗失之者固有 華盛麗而說入聞夫子之道而樂與夫回之為人 頻六三厥初妄動自居而反則頻復也頻者危道 漢上朱氏曰煩水厓也說文曰人所實附頻髮不 曰頻復属頻而復雖晚矣不猶愈於迷而不復 極則反之正成坎坎在坤際水厓也水厓謂之

欽定四庫全書 六四中行獨復象曰中行獨復以從道也 獨能復自處於正下應於陽剛其志可謂善矣不言 伊川先生曰此爻之義最宜詳玩四行奉陰之中而 又如此表 新安朱氏曰以陰居陽不中不正又處動極復而 也叔孫病不能相禮退而學禮之文乎易 者乎於義為得故曰義无咎也六三因而學之者 不固屢失屢復之象屢失故危復則无咎故其占 合訂明補大易禁義粹言

同說易 援无可濟之理故聖人但稱其能獨復而不欲言其 横渠先生日柔危之世以中道合正應故不與晕交 吉凶者蓋四以柔居晕陰之閒初方甚微不足以 稱其獨復者以其從陽剛君子之善道也華易 陰柔弱之甚雖有從陽之志終不克濟非无咎也 獨從道而必凶也曰然則不云无咎何也曰以陰居 龜山楊氏曰居上下四陰之中而獨從陽中行獨 相 ででする 白雲郭氏曰位不得中而居四陰之中獨從初九 類故在剥則取其失上下以應乎陽在復則取其 開豈是道戲剥之六三與復之六四反對其義相 與休復之下仁異矣認 中行獨復七十子於衰周之際從夫子於洙泗之 之道而應焉是亦舍其類而獨行其志者也故曰 復者也陰之從陽性也故謂之從道然柔不中行 无剛明之才雖欲從道而无受道之質故不言吉 104.1-合訂則補大切樣義粹言 とナ

動戶四月在書 獨復以從道也湯 也六四行於五陰之中獨反而復下從於初道言 漢上朱氏曰五陰冥行去道日遠適越而北首者 者不以利害言也虞翻曰四在於外體不在二五 无咎频復之属猶无咎也四獨復五敦復不言吉 獨應初是也不言吉无咎者正則吉可知獨復則 初九也震為大逢亦道也鄭康成曰度中而行四 何得稱中夫中无一定之中自初至三以二為中 

とこう こう ハドラ 六五敦復无悔象曰敦復无悔中以自考也 俱行而獨能從善之泉當此之時陽氣甚微未足 新安朱氏曰四處產陰之中而獨與初應為與泉 中康成謂文處五陰之中傳 自四至上以五為中復卦五陰自二至上則四為 於剥之六三及此交見之義 以有為故不言吉然理所當然吉凶非所論也董 子曰仁人者正其義不謀其利明其道不計其功 1 合訂剛補大易集養粹言 土

銀灯四月全書 横渠先生回性順位中无他應援以敦實自求而已 之德 時以柔居尊下復无助未能致事吉也能无悔而已 剛長柔危之世能以中道自考故可无悔不然取悔 其志以中道自成則可以无悔也自成謂成其中順 善者也故无悔雖本善戒亦在其中矣陽復方微之 伊川先生日六五以中順之徳處君位能敦篤於復 以中道自成也五以陰居尊處中而體順能敦篤 1 鉅 易 傳 1 老二十八

大三百月 ニチア 必矣記 五无所待而復安於復者也故重曰无悔不言吉 誠自成也故夫子曰中以自考也初九陽始生動 待而復者也其復也誠於善而已故謂之敦復夫 龜山楊氏曰柔得尊位大中而无應於上下无所 之微者也其違未遠故其復也不至於悔而已六 美而敦厚自守可以无悔 藍田吕氏曰六五雖遠於陽而不失乎中雖未盡 合訂剛補大易集義幹言 ・キニ

金为四月五十十 成物也盡成已成物之道則君道盡二帝三王是 吉不足以言之也影 也六五為一卦之主其才有所不足故僅能自成 厚則所以成已者至矣雖未足以盡為君之道亦 泉故言敦復中以自考者能以中道自厚而已自 白雲郭氏曰五以陰居尊位在坤之中有厚德之 與在下君子修身无以異然初九既无大悔於其 可以无悔矣中庸曰誠者非自成己而已也所以

マミカラ シュー 篇實敦也成言乎良故良又有成之意考成也誠 者自成也以體言之謂之中以天道言之謂之誠 有咎五坤體厚也五動而正成良良為篤實厚而 位方同在下之道雖敦復優於不遠之復而以時 漢上朱氏曰六五遠於初九中而未正非敦復則 以自成而已就 位初終論之是未足以致人君之元吉也故特中 初馴致其道則知其然為元吉矣六五居尊極之 合訂剛補大易焦義粹言 t t

多好四母全書 其於復也何遠之有厚而為實用力於仁者也前 體則具是道萬物皆備於我反身而誠則自成矣 義為善於人蓋君子之道也二比於初故為休復 新安朱氏曰以中順居尊而當復之時敦復之象 廣漢張氏曰復卦之義以初交為重於畫為陽於 无悔之道也考成也奉 御曰以中自成易傳曰以中道自成傷 以受之於天言之謂之性有是性則有是體有是 卷二十八

**列尼日日日日日** 比非應開其遷善而危其屢失也上之迷復而凶 四應於初故為獨復而三之頻復而屬則以其非 其柔而遠於陽故為之戒辭謂如是乃无悔也南 以初爻為重矣然則五之敦復奈何體順而居中 則以其處極其最遠往而不逐也觀諸此則可見 徐陳希顔舊名其齊回敦復歲壬辰與予相遇于 曰吉曰事矣而獨曰无悔奈何无悔者戒辭也以 以中自考者也故為敦篤於復夫能敦篤於復宜 合訂剛補大易集義粹言 华四

銘曰惟聖作易研幾極深惟卦有復於昭天心六 長沙屬子銘子知希顔有取於敞戒之意也為之 篤志允蹈順保其中而以自考我觀文義厥有戒 南 辭君子體之敬戒是資人欲易崩天理難存毫釐 爻之義各隨所乘其在於五敦復是明其敦如何 之間消長所分凡百君子奈何不敬私於夙宵以 若天命惟積惟久匪俟乎外敢曰有則庶幾寡悔 軒

上六迷復凶有災青用行師然有大敗以其國君凶至 于十年不克征象曰迷復之凶反君道也 不克征謂終不能行既迷於道何時而可行也 敗以之為國則君之凶也十年者數之終至于十年 盖所招也迷道不復无施而可用以行師則然有大 作既迷不復善在已則動皆過失災禍亦自外而至 不復其凶可知有炎青炎天炎自外來青已過由自 伊川先生日以陰柔居復之終終迷不復者也迷而

夕三日日 白生了

**(6)** 

合訂剛補大易禁義抑言

土土

金月四月 台書 反道而凶也幸易 師敗君凶久衰而不可振也記 横渠先生曰君道過亢反常无施而可故天災人害 則合道既迷於復與道相反也其凶可知以其國君 乃迷於復反君之道也非止人君凡人迷於復者皆 凶調其反君道也人君居上而治衆當從天下之善 蓝 陽迷而不反者也以治身則凶趣時則有災告若 田吕氏曰上六居衆陰之上處復之後最遠於

為也 也豫之時雷出地而奮威行於上矣又順以動故 後復者也故凶苗民逆命七旬乃格是也迷則妄 龜山楊氏曰居卦之外與初異其違道逐矣迷而 利行師君道也復之與豫以二體言之順動一也 行故有災告書曰青災肆赦告目病也其為災告 用眾君國其害滋大其勢難復非十年之久不能 不明而己有可復之道焉故在所肆禹之班師是

大之可真 全十二

合訂剛補大易集兼粹言

とよべ

金少少五人 君道也說 白雲郭氏曰處復之終迷不知反孔子所謂下愚 兼山郭氏曰君道知柔知剛上六迷而不知復反 迷不恭反道敗彼此之謂也認 其國君凶至于十年不克征反君道故也十年數 而迷復之凶其事則異矣故用行師終有大敗以 不移者與夫天道人事皆貴復馬迷不知復則上 之終十年不克征則終不可用矣禹稱有苗曰昏

次定四重全馬 能從人為善坤之六五黃裳元吉是也上六自不 復者皆復也上六居一卦之上有君之道君道以 亦无不有之況行師用兵之道尤為危事是以自 且復有自復者有不能自復而從人者有失而頻 十年極矣十年不克則自敗可知是其國名凶也 用之則大敗佐其君以用之則有十年不充之山 得之人者其凶非一也迷復无所不失故其凶至 逆天道下乖人事其山宜矣言有災告則得之天 合訂剛補大切集義粹言 七七

金グビカノラ 能復又不能從人之復可謂反君道矣或謂迷而 告己招也有災告則天禍人患无所不有故曰凶 後復非也的能復矣雖迷何凶太甲是也冥豫成 窮矣不可動動則降三成坎坎災告也災自外至 為初初九已復上六迷道而不復故曰迷復山上 漢上朱氏曰復之終以一卦言之剥之上九反而 有渝是也認 又曰有災青三動六上行有師體用師也行師之

セスラミ シエー 大敗師六三師或與尸凶坎為血大无功也三下 厚其毒而降之罰是以禍至於亡身十者坤之 妄動不勝其欲而用兵雖驟勝終有大敗驟勝者 之然故曰然有大敗坤四諸侯位國也五君位上 義以正去不正已迷不復而行師人誰服之終有 行師終有大敗妄動之禍至於以其國君陷之於 反三成震坎以其國君也震動以也坎陷也用此 **凶故曰以其國君凶言迷復動則凶矣自古迷復** 合訂則補足易集義降言

數不可動則无師象不克征也十年不克征者災 道也故其占如此以猶及也養 新安朱氏曰以陰柔居復終終迷不復之象凶之 則民聴天祐人助何凶之有易 居上治衆當從天下之善夫從天下之善則改過 也上窮也用行師終有大敗以其國君凶者皆也 不各舉錯當於人心以此用衆則師克以此用國 二者反君道故也上六反初九初九道也易傳曰 上六迷復凶有

動员四库全書

過則非君道矣易 克征這是箇極不好底爻故其終如此凡言十年 災眚用行師終有大敗以其國君凶至于十年不 東東四氏曰上六君道莫大於改過復善一不改 年五年七月八月三月者想是象數中自有箇 則其山甚矣語 故聖人取而言之至于十年不克征與十 合訂剛補大易樣義粹言 老

合訂則補大易集義粹言卷二十八						多分四月全書
大易						N.
集系				,		
秋 言 光						巻ニトハ
シニナハ						
						_
		 	ļ		l. <u>.</u>	<u> </u>